

欽定大清會典事例卷三百六十三

禮部

羣祀

暨

巡幸祭先代名臣先賢忠烈祠墓

本朝名臣

巡幸祭先代名臣先賢忠烈祠墓暨

本朝名臣○康熙十年


聖祖仁皇帝謁盛京

祖陵。額毅親王薩哈璘克勤郡王岳託功臣直義公費

英東。宏毅公額亦都。武勲王揚古利。忠義公圖

爾格墓。各遣大臣祭酒。○二十一年

聖祖仁皇帝巡幸盛京謁



祖陵。頴毅親王。克勤郡王。功臣費英東。額亦都。揚古利。

圖爾格墓。遣大臣讀文致祭。貝勒以下奉恩將軍以上一品官墓。遣官祭酒。

東京之莊親王。篤義剛果貝勒墓。亦遣大臣前往祭奠。

永陵內附葬之武功郡王。恪恭貝勒墓。遣大臣於殿外兩旁設筵致祭。○是年。

聖祖仁皇帝詣盛京。

駐蹕灤州日。遣官詣伯夷叔齊廟行禮。

諭。伯夷叔齊。古之聖人。清風可仰。爾等前往。可焚香展

敬。○三十六年。

聖祖仁皇帝西巡狩至陝西橫城。

諭趙良棟乃爲國宣力建功之臣。來朝經過其門。遣皇長子及部院諸臣往奠。致祭一次。陳福曾爲國効力。適至此地。亦著致祭一次。○又

諭朕躬親至此地。寧夏陣亡官員兵丁。宜查明加恩。所有陣亡官員。遣官祭奠。○三十七年。

聖祖仁皇帝駐蹕盛京。

諭開國佐運動臣揚古利費英東額亦都三人。効力甚

可嘉尚。此三人墓。朕祭

昭陵之日。親臨奠酒。其餘諸臣効力亦屬可嘉。康熙二十一年曾經祭奠者。照前舉行。額毅親王薩哈璘。克勤郡王岳託等墓。各遣大臣致祭。尋揚古利費英東。額亦都之子孫等奏請停止。奉

諭

太祖

太宗開國定鼎。爾祖輔佐勲勞。爾等未必詳悉。朕比來

閱觀

實錄。知爾等之祖。於開創時功績懋著。深屬可嘉。朕既

親來謁

陵。必當臨爾祖墓奠酒。爾等毋庸再奏。○四十二年。

聖祖仁皇帝西巡狩至陝西西安府。百里內

本朝勲臣墳墓。俱遣官奠祭。○乾隆八年。

高宗純皇帝巡幸盛京。謁

陵禮成。

親臨克勤郡王岳託。功臣揚古利。費英東。額亦都墓

賜奠。又武功郡王禮敦。恪恭貝勒塔扎費揚武。顏毅親

王薩哈璘。功臣圖爾格墓。各遣官致祭。又達爾

翰巴圖魯親王舒爾哈齊。多羅卓立克圖貝勒

巴雅喇。多羅青巴圖魯貝勒穆爾哈齊。阿爾哈

圖圖們貝勒褚燕。多羅鄂爾霍巴貝勒圖倫。多
羅富勒琿貝勒齋桑武。多羅托克霍貝勒費揚
武。多羅額勒琿貝勒杜度。輔國諾木琿公塔拜。
輔國達春公達爾查。輔國公瑪占。大學士達海
巴克什。二等伯明安。昂邦章京業克蘇。內大臣
伊爾登。額克欽。覺羅色勒。諾爾布瞻圖。切圖。碩
翁科洛巴圖魯安費揚古。都統博爾晉。納木泰。
楞額禮。額駙達爾罕。尙書徹爾格。伊遜將軍阿
穆爾圖。和和哩額駙。福喜額駙。李永芳。達爾罕
轄。鎮國將軍唐古泰。聶克塞。穆爾查。費英東之

父索爾賀投降

太宗文皇帝之安達禮敦達禮安巴靈武倭什琿固倫

公主墓俱遣官奠酒。○又

諭朕親奠克勤郡王等園寢。據禮部援引

皇祖聖祖親奠功臣墳墓之例。隨駕之皇子王等皆隨
行禮。此次隨駕之皇子王貝勒等應隨行禮具奏。朕
已降旨依議。竊思從前隨駕之皇子王等皆係

皇祖子孫。是以均隨行禮。此次隨行之王貝勒內有朕
之叔輩。或朕之兄弟輩。非從前隨駕之皇子王等可
比。每祭酒時亦隨行禮。似屬未便。朕親臨祭酒功臣

卽爲榮寵之至。克勤郡王園寢。王貝勒等仍隨往。功臣揚古利等墳墓。不必隨往。此後朕之子孫若隨來。朕降旨遵行。再蒙古王額駙王大臣墳墓。皆不必隨往。著令禮部記載。○十四年。高宗純皇帝巡省中州。奏准。鑾輿所經。有附近

御道之前代名臣忠烈先賢祠墓。與

本朝勲臣。雖屬有間。但思表墓式間。自昔著有令

典。恭逢

乘輿巡俗省方。禮隆威秩。應請就該撫咨開祠墓。詳加

酌議其名臣以從祀

帝王廟者爲斷。如伊尹。周公。許遠。呂蒙正。范仲淹。司馬光。王曾。韓琦。岳飛等九人。先賢以從祀。

先師廟者爲斷。如端木子貢。韓愈。程顥。程頤。邵雍。朱子。許衡等七人。其祠墓均應遣官祭醊。以昭曠典。又如殷比干墓。漢

關帝墓。晉嵇紹祠。唐顏真卿墓。皆忠義卓越。亦應致祭。祭文由翰林院撰擬。香帛由太常寺。祭品由地方官豫備。遣祭各官。照例開列具奏。恭候

欽命往祭。○又奏准。直隸境內附近

御道有宋璟魏裔介墓。考唐臣宋璟配饗

帝王廟。

本朝大學士魏裔介。從祀賢良祠。祠墓旣在

御道三十里內。亦應遣官致祭。祭文祭品香帛。均照例由各衙門豫備。○十五年議准。

聖駕南巡。凡先賢祠墓在

御道三十里內者。據浙江巡撫咨開到部。如唐陸

贄。宋岳飛。明于謙。皆從祀。

帝王廟。明王守仁。從祀。

先師廟。

本朝徐潮從祀賢良祠。皆與中州議准祀典相符。理應遣祭。又吳越王錢鏐首建江塘。功德在民。現在臨安有祠。均宜膺祀典。祭文祭品及香帛。均照例豫備。○十六年議准。兩江總督咨報境內先賢名臣祠墓到部。如泰伯季札。至德高風。著稱經傳。言子游。范仲淹。皆吳產。從祀

先師廟。張玉書。趙申喬。從祀賢良祠。均與奏准遣祭之例相符。卞壺。曹彬。宗澤。韓世忠。徐達。常遇春。方孝孺。于成龍。傅臘塔。湯斌。張伯行。陳鵬年等。皆非江蘇常鎮四府人。但或配饗。

帝王廟。或從祀賢良祠。或忠義卓著於史冊。其於江蘇地方。或有功斯民。或盡節茲土。或歸葬此鄉。祠墓既均在

御道三十里以內。應一體遣官致祭。以彰盛典。○又奏准。山陽縣

本朝治河名臣靳輔。齊蘇勒。嵇曾筠。合祠。遣官致祭。○十九年。

高宗純皇帝巡幸盛京。遣官致奠武功郡王恪恭貝勒墓。又頤毅親王克勤郡王。功臣揚古利。費英東。額亦都。圖爾格墓。俱遣官奠酒。餘各王貝勒及

功臣等墓遣官奠酒與乾隆八年同。○二十二年。

高宗純皇帝巡幸江浙奏准直隸總督咨報河間縣漢儒毛萇墓在

御道三十里內查漢儒毛萇從祀

先師廟與遣官致祭之例相符應請遣官致祭。○又議准明臣李文忠係從祀

帝王廟。

本朝撫臣潘思榘於乾隆十七年奉

旨入祀賢良祠皆與遣祭之例相符所有江省上元縣

李文忠墓。陽湖縣潘思渠祠。應請一體遣官致祭。祭文香帛照例豫備。祭品交地方官備辦。其餘應祭之處。與十六年同。○又

諭。昨至浙江省城。禮部未奏請遣祭故大學士徐本。詢其故。則以未入賢良祠例不致祭爲對。徐本歷事

兩朝。宣力多年。勤勞懋著。卽如前者過常州時。已故之巡撫潘思渠。禮部尙猶奏請。徐本視潘思渠爲何如耶。朕巡幸所經郡縣。名臣舊輔。皆卽致祭。乃國家念舊酬功之典。該部自當慎重辦理。何得膠柱鼓瑟。乃爾。徐本著入本省賢良祠。並著該部奏請遣官致祭。

○二十七年。

高宗純皇帝南巡。奏准。江浙等省先儒名臣祠墓。前於聖駕南巡。已經兩次遣祭。此次毋庸讀文致祭。應請派員奠酒。以昭優卹。○又議准。唐臣許遠。張巡。從祀。

帝王廟。應請照例遣官致祭。○又大學士陳元龍。陳世倌。蔣溥等墓。俱奉

諭遣官奠酒。○三十年。

高宗純皇帝南巡。奏准。經過名臣祠墓。應遣官拈香奠酒。請照上次舉行。奉

旨。照二十七年舉行。梁詩正亦著添入。○又

諭。朕清蹕時巡。所有經過地方大臣祠墓。在三十里以內者。例俱遣官致祭。原任大學士史貽直之墓。雖遠在溧陽。念其宣力年久。亦著加恩一體遣祭。以示優卹。○又議准。明臣宋禮治河濟運。著有功績。雍正四年。

勅賜封號爲寧漕公。其祠在汶上縣分水口。又濟寧州先賢仲子由宓子不齊祠。亦在

御舟所經三十里以內。應一體遣官拈香。○三十

六年。

高宗純皇帝東巡。奏准。濟寧州之仲子祠。任子祠。汶上縣明臣宋禮祠。俱遣官拈香。南皮縣周尹吉甫墓。遣官奠酒。○四十一年。

高宗純皇帝東巡。奏准。經過祠墓。遣官拈香奠酒處所。與三十六年同。○四十三年。

高宗純皇帝巡幸盛京。

親詣克勤郡王。功臣揚古利。費英東。額亦都墓。奠酒。又武功郡王及各功臣墓。俱遣官致奠。與乾隆十九年同。○四十五年。

高宗純皇帝南巡。奏准。先賢先儒名臣祠墓三十九處。